

中興禮書續編

中興禮書續編第五十卷

凶禮十六

永思陵十六

謚議四

淳熙十五年二月二十五日吏部尚書蕭燧等言恭依
聖旨尚書省集議大行太上皇帝謚號者燧等議曰伏
以超宇宙之大者惟天獨隆極古今亦曰聖者惟堯為盛
載稽上聖丕迪大猷亶異世以同符斯配天而立極伏
惟大行太上皇帝誕膺明命紹開中興有紅光燭天之
祥有甘露降籛之異無舊無害而天瑞日著克岐克窶
而天德日彰聰明本乎天生智勇絲乎天錫偶運中否
遭時多屯禍亂之作此天所以開聖人也天造神斷宏

濟艱難進少康祀夏之功纂周宣復古之績陳師鞠旅
 以殄遏醜虜命將董兵以掃除寇攘天威所臨中外底
 定權宜齊事結好和戎方將海涵春育而一視同仁天
 覆地載而並育不害於是輕徭薄賦議獄緩刑厚賑貸
 以惠窮詔牧守以風德化敷仁政也去邪遠佞虛己聽
 言開黨禁以張元祐之臣復賢科以追度歷之盛勵人
 材也建大學以養士闢秘館以崇儒親澗宸翰以表章
 六經躬耕帝藉以風厲四海恢文化也五饗明堂七巖
 郊祀迎東朝而尊養奉慈寧而怡顏崇孝治也在位三
 十六載而舟車所至人力所通日月所照霜露所墜莫
 不涵濡乎德澤漸摩乎仁義此天德之出寧而蕩蕩巍
 巍之治也方且道妙不寧成功弗居鑒造化之感虧蹈

唐虞之揖遜乃賤嗣聖纂承丕圖為天下而得一人自
生民之未有頤神之恬淡玩意穆清問寢龍樓三至日
勤於舜養卜年龜鼎五福類錫於箕時錢玉揚林者蓋
不一書奉卮為壽者方將億載俄而荆山鼎就杞國天
傾三光為之蔽明兩儀為之變色然念真善傳聖既冠
德子百王遵制揚功宜垂芳於奕世謹按證法窮神知化
曰聖應變無方曰神克定禍亂曰武經緯天地曰文聖
能法天曰憲慈惠愛親曰孝即其抱神明之性根中庸
之德無為而天下化不詔而萬物成非聖人矣乎即其
知變化之道通幽明之故消息盈虛而動與時偕縱黃
汎應而惟變是適非神矣乎以無為烈以不殺為仁非
武之善經乎數離麗之明崇賁止之化非文之化成乎

顯諸人則出與民同患茲請用則入與天為徒則聖能
法天之憲也繩其祖武則克篤前烈貽孫謀則垂裕後
昆則慈惠愛親之孝也夫德覆萬物曰高令終配天曰
高惟商高宗中興冠古惟我堯考侔德有光况商卽大
夫之墟惟我宋興王之地則今廟號實有契符僉言既
敢詔億世請上大行太上皇帝尊諡曰聖神武文憲孝
皇帝廟號高宗謹議詔恭依

三月四日攝太傅左丞相王淮言謹率群臣詣南郊請
大行太上皇帝謚曰臣聞圓穹宣精蒼蒼在上昆侖
旁薄得一以清超乎不可形容者天也而靈威赤熒含
樞叶紀之號名其可名者不得而辭乘乾六龍光宅天
下發育萬物與天同功巍乎不可擬象者帝也而容成

赫胥高陽放勳之蹟法其可法者茲得而議先王於是
有謚以尊名節以壹惠之典雖下不得誅上卑不得誅
尊然質之於南郊告之於有昊本宗機天下之大公推
古今之至美則列王功紀威德刻之玉策藏之金匱薦
清廟而訓萬世者臣子之誥蓋可述矣恭惟大行太上
皇帝剛健篤實徽柔懿恭道闡百聖而不自以為高功
被六合而不自以為至政宣之世應龍方潛儻於宗藩
隱而未見而聖德升聞如曦輪未駕起明於東赫然有
照耀乾坤之象却成受敵身踐危机剪馬車寄命虎
穴而天聲震愴如雷在地中百神拱揖肅然有驚遠懼
邇之威靖康元二之時趙魏淪塗炭齊秦困兵戈莫莫
神州之姓代匱江淮衰漢鞠為盜區惟霸府建臺本元

千虎萬旗之柄曾不三月歷數在躬高邱舊都重集景
命大業之濟同符藝祖自時厥後艱難百罹收功於傾
危之餘興統於綴旒之際克復丕緒紹開中興由漢光
武以來一人而已新莽竊位政刑煩虐黎民思亂十室
而九使光武不作伯升聖公之徒亦將起而覆之漢之
為漢其成可必則炎德復輝如摧枯拉朽其為力差易
帝初為滏陽肘腋變起間闕於相台踟躕於濟岱於斯
時也趙宗不絕如法訖於九廟再安基序萬世視光武
之功為有加焉氛祲既清駐蹕吳會厲翼自治明其政
刑屈己睦隣則疆場之間二字本廓無事奉親盡孝則
醜車萬里還養祇宮正經界以平征徭立太學以起俊
造退朝燕閒唯六藝是尚而聲色之樂不通和衆豐則

損上益下而貨利之私不殖邦畿千里林菁岨深於戈
獵蒐畋之娛無有也左江右湖境趣幽絕於登臨遊豫
之好無有也天下者定褰裳去之退託北宮以受嗣聖
由唐堯以來一人而已堯老舜攝年踰九齡耄期倦勤
理之必至而自古迄今尊其懿德帝之禪位也春秋繼
五十有六聖躬康寧無所最厥乃舉神器之重如素契
履怡神大庭訪道姑射萬几之事未嘗一過而問視唐
堯之德為有光焉溫洛呈圖方得珠而遊赤水荆山鑄
鼎忽乘雲而飛紫青殂落之哀函生共痛爰稽禮典祇
薦鴻稱謹按謚法裁成萬物曰聖一民無為曰神克定
禍亂曰武經緯天地曰文聖能法天曰憲慈惠愛親曰
孝若夫維天奉無輔相左右興天下之同利百姓日用

而不自知斯不曰裁成萬物乎籠絡宇宙視民如子兼
愛南北拯之於水火之中而保大樂天待時而動斯不
曰一民而為乎廟謨雄斷我伐用張祀夏配天不失舊
物斯不曰克定禍亂乎稽古之光參前於二典維天之
命駿惠於文王斯不曰經緯天地乎惟天聰明惟帝時
憲惟天為大惟帝則之斯不曰聖能法天乎徽宗之計
至水漿食粥不入口者三日慈寧之疾草至於寢疾食
俱忘言發淚下斯不曰慈惠愛親乎粵廟號之建久矣
在禮祖有功而宗有德國朝自熙陵以降傳八業稱宗
皆本其極摯者而言之謂其德可宗於永世昔炎劉不
競漢草而新光武復之廟為世祖皇運中微楚乘其器
先帝復之再造區夏以昭前人之光宜世世宗之以軼

建武系隆之盛高之武丁以德高故表顯之號為高宗
漢之高帝以其功最高雖謚法所無而特超名為高祖
謚備唐堯之四德廟協商漢之二美功德兼隆高而且
大煌煌盡善無得而踰大行太上皇帝尊謚宜天錫之
曰聖神武文憲孝皇帝廟號高宗謹議詔恭依

其日太傅并行事陪位文武百僚並赴南郊幕次各服

其服

行事官服於殿
位官服帶服古制

俟有司設權置謚議匣案褥位

於壇午陛下稍西東向次實設禮料畢御史臺閣門太
常寺分引文武百僚入詣午階下之南北向立次引奉
禮郎太祝太官令陪位班之前褥位北向立次引讀謚
議官詣謚議案之後褥位立次引舉謚議官詣讀謚議
官之後褥位立次禮直官引太傅詣壇卯階下稍東西

向褥位立定禮直官贊太傅拜躬贊者曰拜在位官皆
再拜訖先引奉禮郎太祝太官令升壇各就位立定次
禮直官引太傅詣盥洗位搯笏盥手悅中執笏詣爵洗
位搯笏洗爵拭爵執笏升壇詣昊天上帝神位前酒尊
所搯笏跪執爵太官令搯笏跪酌酒訖執笏興太傅受
酒訖以爵授執事者執笏興詣昊天上帝神位前搯笏
跪上香再上香三上香奉禮郎奉玉幣奉太傅太傅授
玉幣奠玉幣奉禮郎執笏興復位立太傅執爵三祭酒
于茅苴奠爵執笏俛伏興少立太祝搯笏跪讀祝文訖
執笏興復位立次太傅再拜訖降壇復位少立禮直官
再引太傅詣謚議案權置位立次舉謚議詣謚議案搯
笏跪舉謚議匣興執事者先捧謚議案詣昊天上帝神

位前當中置於褥位訖太傅指笏捧謚議匣升壇至位跪奠謚議置於案上舉謚官執笏興少立次太傅執笏興少退立次讀謚議官詣謚議案後立舉謚議官指笏跪舉謚議讀謚議官指笏跪讀謚議訖執笏興降復位舉謚議官奠謚議訖舉謚議匣興執事者先捧案降壇置於褥位舉謚議官舉匣降壇太傅躬拜贊者曰拜在位官皆再拜訖次引考功郎官詣謚議權置位前立次引舉謚議官詣謚議案指笏舉謚議以授考功郎官訖執笏退復位考功郎官受之加於笏上退歸本班次太傅率行事官詣望燎位立定俟有司取祝幣帛升燎壇燎訖退文武百僚以次退其合書謚議官並歸考功郎官以謚議本部以俟書奏畢投進憲節皇后改謚

淳熙十四年十月二十日三省奏臣等檢會祖宗故事
帝后謚號其間一字相連昨紹興七年初上徽宗皇帝
謚號惠恭皇后即改從顯字今來大行太上皇帝將欲
議謚所有懿節皇后諡號合依典故改謚以從欲令禮
部太常寺討論條具以聞詔恭依

十一月三日禮部太常寺言已降指揮大行太上皇帝
將欲議謚所有懿節皇后諡號合依典故改謚以從欲
令禮部太常寺討論條具以聞令檢照國朝典禮下項
大中祥符六年十月二日宰臣攝太尉王旦奉冊寶詣
元德皇太后廟改上徽號曰元德皇后升附太宗廟室
慶曆四年七月二十一日詔俟南郊禮前改謚莊懷皇
后曰章懷莊穆皇后曰章穆莊獻明肅皇后曰章肅莊

懿皇后曰章懿莊惠皇后曰章惠十一月二十二日帝
備禮大慶殿庭奉冊寶授太尉上于廟室章懷皇后冊
遣攝太尉樞密使檢校太傅行尚書工部侍郎賈昌朝
章穆皇后冊遣攝太尉工部尚書同中書門下平章事
兼樞密使昭文館大學士監修國史章得象章獻明肅
皇后冊章懿皇后冊章惠皇后冊遣攝太尉尚書吏部
侍郎同中書門下平章事兼樞密使集賢大學士杜衍
紹興三年四月十五日禮部太常寺言都堂請官集議
昭慈獻烈皇后欲改定謚曰昭慈聖獻皇后詔恭依九
月十四日告廟十五日皇帝御常御殿命開府儀同三
司信安郡王孟忠厚攝太尉奉上冊寶於廟室七年四
月六日太常少卿吳表臣言侍從官議上惠恭皇后改

議俟勅下有司合行制造用寶所有將來奉上惠恭皇后改謚用寶合依加上神宗謚號禮例將來大禮例將來大禮躬行奉上詔恭依 九月二十一日明堂前一日奉用寶上于廟室今討論欲乞於今來十一月八日尚書省集議大行太上皇帝謚號日一就集議懿節皇后謚號其修置用寶及差官書撰并命太傅行奉上之禮續行參行照大中祥符六年慶曆四年并紹興三年典禮申請施行詔依

十五年三月五日吏部尚書蕭燧等言恭依聖旨尚書省集議懿節皇后改謚者燧等議律衣久闕驚駭隙之易移慈宸上賓愴龍髯之忽墜禮無專謚議蓋正名恭惟懿節皇后沙麓紀祥河州協德天作之合既輔佐於

潛闈王假有家用儀刑於內壺翟車從狩騄馭旋歸方
深故劍之求遽起逝川之嘆儼椒塗而正位巖寶用以
追尊屬升祔之有期豈易名之敢後行為可則蓋全四
善之儀禮以自防繇迪二南之化肆哀大美式訂幾稱
謹按謚法有善可記曰憲能固所守曰節僉言既同敢
詔億世請改上懿節皇后尊謚曰憲節皇后謹議中書
舍人兼直學士院李燾言伏奉勅命懿節皇后改謚差
臣撰謚議者臣謹上議曰臣聞天道之大惟厚載克承
故足以妙萬殊之元德之尊唯內治克順故足以恢
百世之則慈觀風化之本夙著壺闈之規寔茂之悠號
榮不朽迹行論謚既啟於先朝祔室定名盡從於昭考
蓋我家之鉅典列聖之舊章不可損已恭惟大行太上

皇帝紹開中興身濟大業仁函義苞文輯武熙欽明同
堯父之勛嘉靖邁商周之烈儀刑四海貽燕億年懿節
皇后倪天有初邇日惟舊蚤嬪王邸淑嫔聞乎河洲緬
正后儀艱難恰乎馳馭厥既勤丕文而節惠修別祭以
寧神歷歲縈茲流聲逾邁先帝奄遠尊養痛切隨弓爰
及柔靈偕登肅廟粵稽掌故之載參訂易名之辭使體
協而事該義隨而理順於以極顯揚之制宣雍睦之風
芳躅徽音憲法斯在迺有佩環之度箴使之儆正其容
也蘋蘩之潔禕褕之飾嚴其禮也澣濯之儉琴瑟
例是戒憂勤是思厲其行也集是衆善揭之令名易懿
為憲以從先帝之盛美不亦允辱况契濶之間險阻之
際凜焉處之以正其在謚典能固所守曰節令仍舊謚

冠之以憲其孰曰不宜請改上懿節皇后尊謚曰憲節
皇后謹議詔恭依

中興禮書續編第五十一卷

凶禮十七

永思陵十七

奉上謚冊寶

淳熙十四年十月十二日禮部太常寺言勘會今來大行太上皇帝升遐依故事合修製冊寶及差官今具下項 一合修製冊一副寶一顆并沿冊寶法物乞令工部下文思院修製 一合差撰哀冊謚冊文官撰謚議官書哀冊謚冊文官書篆寶文官各一員依典故係差宰執詔依撰哀冊文官差左丞相王淮撰謚冊文官差右丞相周必大書哀冊文官差知樞密院事施師點書謚冊文官差參知政事黃洽篆寶

文官差參知政事留正撰謚議官差翰林學士洪邁
十九日禮部太常寺言勘會今來大行太上皇帝升
遐合修製謚冊寶并沿冊寶法物已降指揮令工部
下文思院修製外所有哀冊已行差官書撰其合用
哀冊一副并沿冊法物亦乞令工部下文思院一就
修製施行詔依

十一月十三日禮部太常寺勘會將來奉上大行太
上皇帝謚冊寶行禮今來酌合行事件下項 一謚
冊寶降出權於祥曦殿門上設幄權行安奉俟太傅
以下再拜訖步從至宮門合上馬騎從至德壽宮土
外幄次權行安奉太傅以下應奉上謚冊寶行禮官
并禮直官贊引人等各退宿齋於本司其冊寶下職

掌儀衛祇應人等並宿於冊寶幄之側所有祥曦殿門上并德壽宮門外合用謚冊寶幄次并幕次乞令臨安府同儀鸞司計會禮部太常寺釘設排辦施行

一奉 上謚冊寶於德壽殿其太傅以下行禮官并官僚依禮例并服常服黑帶去魚立班行事 一契勘今來奉上日合於殿前設謚冊寶權置位及往來行禮緣殿前地步隘窄今欲乞將陪位百僚依成服禮隨宜於殿裏外立班所有合用拜席褥等乞今臨安府同儀鸞司計會排辦施行 一奉 上冊寶日殿上下各設置謚冊寶褥位乞下儀鸞司排辦施行

一奉 上謚冊寶日合用香爐匙合炭大茶盞托盤盞注碗湯瓶奠茶酒孟子鈔鐸盆臺等乞依例就用本

殿見今供用物件外其合用供養食茶酒果等乞下
都大主管所行下諸司排辦施行一奉上謚冊寶行
禮畢其冊寶并沿冊寶法物乞依禮例於德壽殿安
奉本殿官交割收掌一奉上謚冊寶合用御封降
真香一合一奉上謚冊寶行禮所有合用日辰乞
從本寺闕太史局選定日分申取朝廷指揮降下闕
報所屬施行一奉上謚冊寶前一日奉上謚冊寶
太傅讀冊中書令讀寶侍中奉謚冊官奉謚寶官舉
冊官舉寶官並常服黑帶去魚守和寧門入詣祥曦
殿門外幕次太常寺贊引祇應人禮部職掌及儀衛
親從官等並於殿門外隨地排立以俟進請謚冊寶
內侍官請降謚冊寶將出祥曦殿門次引奉謚冊官

奉謚寶官於內侍處受冊寶於殿門上幄次權置定
次禮直官贊者引太傅已下詣殿門外隨官立班再
拜訖泥和淨免兩拜權退側身立俟有司奉迎儀衛進行
太傅已下步從至宮門合上馬處上馬騎從至德壽
宮門外幄次權安奉訖太傅已下退歸本司宿齋
一奉上謚冊寶前一日太傅已下行禮官及御史臺
閣門太常寺贊引祇應人并捧冊人及職掌各合破
炭火燈燭幕次倚卓拜席褥依例並乞下臨安府排
辦施行詔依

同日又言勅會將來奉上大行太上皇帝謚冊寶行
禮今參酌合行事件下項 一奉上謚冊寶依禮
皇帝前後殿不視事是日百司作休務假 一乞令

入內內侍省依故例專差內侍官三員掌管進請御
 書并進謚冊寶於祥曦殿安奉照管至奉上前一日
 降出 一依故事候書謚冊文書冊文畢令文思院
 修製畢本院計會入內內省官進請御書訖却付本
 院修製畢計會所差內侍官進入 一勘會將來奉
 上天行太上皇帝謚冊寶依禮例於奉上前二日差
 官奏告天地宗廟社稷宮觀詔依宋會要十一月十
奉上四人謚冊寶并發引衣冊合用詔四日禮部言將來
十二人人員一節叔二人儀衛黃城司親事官二十人武官二
一人拾人武官八人武官十二人親事官一十人武官一人武官
乞冊下御筆苑殿前司皇城街司仗司一十人數差撥祇應
之從

十二月二十四日禮部太常寺言勘會昨來奉上顯

仁皇后謚冊寶禮畢太常寺禮直官贊者共二十一
人每人各支絹三尺乞下都大監臨所下支費所支
給了當所有將來奉上大行太上皇帝謚冊寶禮畢
太常寺行遣催促趁辦祇應禮直官贊者共二十一
人欲乞依体例每人各支絹三尺從都大主管所下
支費所支給施行詔依

十五年二月十一日禮部太常寺言勘會已降指揮
令文思院修製大行太上皇帝謚冊寶今據文思院
申修製大行太上皇帝謚號玉寶一鈕今來並已碾
造畢備未嘗降下謚號字以憑碾造施行所有寶文
今欲乞依有書者集議到以聖神武文憲孝皇帝之
寶十字為文乞下工部行下文思院修製施行行詔

依

二十二日禮部太常寺言勘會已降指揮大行太上皇帝升遐內書哀冊文官差知樞密院事施師默今來本官已除外任伏乞朝廷降飭別行差官詔依書哀冊文官改差知樞密院事黃洽書謚冊文官改差參知政事兼同樞密院事留正書篆寶文官改差參知政事蕭燧

二十四日禮部太常寺言勘會將來奉上大行太上皇帝謚冊寶詣德壽殿行奉上之禮合差都大主管依禮例朝廷降勅就差主管喪事官充照得已降指揮劉慶祖差充都大主管大行太上皇帝喪事詔依三月一日禮部太常寺言勘會已降指揮奉上大行

太上皇帝謚冊寶同日奉上懿節皇后改謚冊寶依禮例前三日一就奏告昊天上帝皇地祇宗廟太社太稷天慶觀報恩光孝觀太一宮各合差奏告官一員乞於侍從宮內差宮內宗廟乞差外班宗室正任以上充並前一日致齋至日行事畢所有應合排辦事件乞依自來奏告休例令大常寺闕報所有排辦詔依

同日又言勸會已降指揮奉上大行太上皇帝謚冊寶於德壽殿行禮次奉懿節皇后改謚冊寶於本室行禮太史局選用三月九日乙巳吉詔依

四日禮部太常寺言勸會將來奉大行太上皇帝謚冊寶詣德壽殿行奉上之禮今參酌國朝山園典禮

并紹興二十九年奉上謚冊寶差官禮例條具下項
一太傅率羣臣奉大行太上皇帝謚冊寶詣德壽
殿行奉上之禮合差攝太傅一員乞差宰臣 一奉
謚冊寶官一員以謚冊寶授太傅乞差宰臣 一讀
謚冊寶攝侍中一員乞差執政官 一讀謚冊攝中
書令一員乞差執政官並前一日宿齋於尚書省
一舉冊官二員舉寶官二員乞差禮部太常寺官並
前一日於本司詔依

六日喪事都大主管所據同判太史局荆大聲等狀
契勘今月九日大行太上皇帝奉謚冊寶畢合換立
聖神武文憲孝皇帝銘旌時宜用其日未時八刻後
坤時吉所有換下大行太上皇帝銘旌宜於本宮正

南偏東丙位月空方焚燒吉依得陰陽經書別無妨礙詔依

八日禮部太常寺言檢照紹興七年徽宗皇帝典故俟奉上謚號冊寶了日合稱聖文仁德顯孝皇帝祔廟畢合稱徽宗聖文仁德顯孝皇帝所有今來大行太上皇帝升遐其謚號稱呼欲依上件典故俟奉上謚號冊寶了日合稱聖神武文憲孝皇帝祔廟畢合稱高宗聖神武文憲孝皇帝候指揮下日令進奏院遍牒施行詔恭依

謚冊文

維淳熙十五年歲次戊申三月丁酉朔九日乙巳孝子嗣皇帝臣謹再拜稽首言曰臣聞書契之作雖

始伏羲百篇之文寶首堯帝蓋其勛足以放上世其德足以被四表功成弗處褻裳去之蕩蕩巍巍與天同大稱謂之際無得而言故其生也以堯為名其沒也以堯為號當世然之後世稱之亦惟寶其實而已自時厥後載世滋久光于前聞獨我聖考恭惟大行太上皇帝有聰明之質以輔之以稽古有文思之美而將之以允恭茂實英聲挺出朱邸靖康之際裔夷亂華首提義旅入衛王室旋承父兄即真之詔勉副軍民推戴之誠受命商丘適符義祖側身修行撥亂反正殫敵外熾六師翦之羣盜內訶四征獮之遂使宗社再安華戎一視此則堯之有成功也紹興而後內治日修東甌請貢却而弗愛愛北女講好為親計之

祐陵弓箭歸自萬里慈寧駟就養九重事有至難
以誠而濟濟然後立九廟以致孝享躬三推以勸農
耕睦宗族戢干戈者刑罰薄稅斂措斯民於仁壽致
萬邦之協和此則堯之光澤天下也制作禮樂開設
學校三歲見帝者十有二而神亦罔不格大此取士
者十有一而賢俊無或遺日聽治朝則羣公卿士服
神明之斷每臨講殿則老師宿學駭折衷之言萬幾
餘暇尤精八法六經諸子細書幾遍翰墨有志該括
古今專門名家自謂弗及此又堯之煥乎文章也臨
御三紀未嘗倦勤黃屋非心乃遜於位別宮燕處耽
玩至道三受徽號之冊八歸大禮之胙歲時誕節盛
儀交舉二十六年殆如一日臣民有創見之數單于

有歆羨之辭漢之櫟陽唐之大安歲月何淺制度何
 陋蓋自堯迄今三千五百有餘載始終一揆未聞若
 斯之至者也夫惟中興之烈如彼內禪之盛如此是
 宜有生文士陳篇奏頌前後以千萬計至下匹夫匹
 婦若髦若俛亦知歌詠盛德於康衢之中書之史冊
 垂之萬世盖有不可勝紀者矣臣以匪質夙奉慈訓
 覆燾以君父之德付卑以神器之重方將養志於有
 載承顏乎無窮遽聆殂落之誥難勝哀考之痛三年
 制制固已恪行七月告期敢違舊典博稽僉論請命
 郊丘人謀天天同仰對景鏐謹遣攝太傅特進左丞相
 兼提舉編修玉牒監修國史日歷提舉勅令所魯國
 公食邑一萬五千戶食實封五千七百戶王淮奉玉

冊玉寶上尊謚曰聖神武文憲孝皇帝廟號高宗伏
惟新陟之靈在帝左右垂顧廟祔序於祖宗於萬斯
年永祚家國嗚呼哀哉謹言

奉上謚冊寶儀

其日俟開德壽宮門階位文武百僚入詣幕次有司
設權置冊寶褥位於殿下東向次奉謚冊寶入德壽
宮門太傅以下行禮官並後從至殿階下東向權置
位置冊北寶南太傅以下權退歸幕次俟有司排辦畢
脩御史臺閣門太常寺分引文武百僚詣殿裏外隨
地之宜立班定次禮直官引讀冊中書令讀寶侍中
詣冊寶之後褥位次引舉冊舉寶官於讀冊中書令
讀寶侍中之後立次引奉謚冊寶官詣冊寶之南東

向立次引奉上謚冊寶太傅詣殿下禱位西立定禮
直官贊太傅躬拜在位官皆再拜訖次引太傅升殿
詣香案前拈笏上香再上香三上香跪一盃茶三奠
酒執笏俛伏興再拜訖降階復位少立次再引太傅
詣殿下禱位北俛伏跪奏稱太傅臣某言奉詣謹奉
上大行太上皇帝謚冊寶奏訖俛伏興退復位奉謚
冊官詣冊案前立次舉冊官詣冊案拈笏跪舉冊匣
興凡舉冊禮部職掌先捧冊案升殿詣殿上香案前
置於禱位北向次奉謚冊官拈笏捧謚冊次引太傅
詣冊匣之後拈笏奉謚冊官以謚冊授太傅太傅受
訖奉謚冊官執笏退復位次舉冊舉行太傅捧謚冊
升殿至禱位北向跪奠冊匣於案上太傅執笏興少

立次引讀冊中書令升殿詣冊案之後北向立舉冊
官搢笏跪舉冊讀冊中書令搢笏跪讀冊訖執笏與
降復位舉冊官奠冊舉冊匣與職掌先捧冊案于殿
上稍東褥位置定舉冊官舉冊匣跪置於案上舉冊
官執笏與降復位初讀冊官讀冊將畢引奉謚寶官
詣寶案前次舉寶官搢笏跪舉寶盞與職掌先捧寶
案升詣殿上香案前置於褥位北向次奉謚寶官搢
笏捧寶盞次引太傅降階于寶盞之後搢笏次奉謚
寶官以寶盞授太傅太傅受訖奉謚寶官執笏退復
位立次舉寶官舉行太傅捧升殿至褥位北向跪奠
寶盞于案上太傅執笏與少退稍西褥位東向立次
舉寶官執笏與少立次引讀寶侍中侍殿詣寶案之

後北向立舉寶官執笏跪舉寶次讀寶侍中措笏跪
讀寶訖執笏興降復位立舉寶官奠寶舉寶盞興職
掌先捧寶案於殿上稍東禱位置定舉寶官舉寶盞
跪置於案上舉寶官執笏興降復位立次引太傅降
復位西向立定禮直官贊太傅躬拜在位官皆再拜
如值兩泥淨隨 那立於殿次移班稍東進名班首出班
裏外并廊上趨 致詞復位再拜奉慰皇太后訖退

中興禮書續編第五十二卷

凶禮十八

永思陵十八

憲節皇后改謚冊寶一

淳熙十四年十一月十九日禮部太常寺言勘會已降指揮懿節皇后改謚依典故合修製冊寶及差官今具下項 一合修製冊一副寶一顆係金并沿冊寶法物乞令工部下文思院修製 一合差撰謚冊文官書謚冊文官書篆寶文官各一員依禮例差宰執并合差撰謚議官一員係差翰林學士詔依撰謚冊文官差叅知政事黃洽書謚冊文官差知樞密院事施師點書寶篆文官差叅知政事兼同知樞密院

事留正撰謚議官差中書舍人兼直學士院李嶽

同日又言勘會今來懿節皇后改謚冊寶若俟將來
大行太上皇帝神主祔廟舉行奉上之禮緣祔廟日
合迎奉懿節皇后神主同時升祔廟室今參酌典禮
欲乞于奉上大行太上皇帝謚冊寶前命太傅奉懿
節皇后改謚冊寶先行告于太廟及告于大行太上
皇帝靈座至奉上大行太上皇帝謚寶冊日先奉大
行太上皇帝謚冊寶于德壽殿行奉上禮畢次奉懿
節皇后改謚冊寶於本室行禮詔依

十二月二十八日禮部太常寺言勘奉已降指揮奉
懿節皇后改謚冊寶告於太廟及告于大行太上皇
帝靈座并奉上于本室行禮今條具下項 一奉懿

節皇后改謚冊寶告太廟及告於大行太上皇帝靈
座今欲乞於奉上大行太上皇帝謚冊寶行禮前二
日奉懿節皇后改謚冊寶先行告廟之禮次告於大
行太上皇帝靈座 一勸會已降指揮奉上大行太
上皇帝謚冊寶前二日奏告天地宗廟社稷宮觀所
有今來奉上懿節皇后改謚冊寶前二日俵奉改謚
冊寶告太廟并告於大行太上皇帝靈座即與前二
日奏告日分相妨欲乞並改用前三日一就奏告施
行 一檢熙熙紹興三年昭慈獻烈皇后改謚昭慈聖
獻皇后感故只以冊寶告太廟更不改題神主所有
今來懿節皇后改謚欲乞依上件典故只以冊寶告
太廟更不改題神主 一合用御封降真香一十三

合

十一合告太廟一合奉大本室太一合用白幣一寸

一段

各長一丈乞於太府寺行下佐藏庫支供

合用祝文一十二首

十一首述以懿範皇太后及

皇太后既諡告于大行一今來告太廟其太傅及行禮

官等宿齋欲乞依例太傅讀謚冊寶官前一日宿齋

於太廟其餘行事官等宿齋並於太廟陪位官止至

日趁赴所有太廟合用幕次倚卓什物拜席褥等並

乞下臨安府儀鸞司釘設排辦施行一乞令入內

內侍者依故例專差內侍官三員掌管進請御書并

進政冊寶入於祥曦殿安奉至夜照管至告太廟前

一日降出一乞依故事候書謚冊文書冊文畢令

文思院修製畢本院計會入內內侍者所差內侍官

進請御訖降付本院修製畢計會所差內侍官進入
一奉改謚冊寶告太廟日皇帝前後殿不視事百
司作休務假 一奉改謚冊寶告於大行太上皇帝
靈座合用香爐匙合炭火茶盞托盤盞注碗湯瓶奠
茶酒孟子鈔鐘金臺等乞依例就用本殿見今供用
物件外其合用供養茶酒果等乞令都大主管行
下主管諸司排辦 一告太廟并奉上改謚冊寶於
本室行禮各合用酒脯蠟燭禮料上香炭火等乞下
臨安府排辦施行 一告太廟并奉上下本室行禮
太傅讀謚冊寶官奉謚冊寶官舉謚冊寶官奉禮郎
太祝太官令並服祭服外應陪位百僚並服常服吉
帶立班所有赴德壽殿行禮並服常服黑帶立班

一奉改謚冊寶告太廟行禮如至日值雨乞依例行
禮官于東廊下隨宜立班陪位官乞於乞于東西兩
廊隨宜立班并行禮時前百官待班合用幕次啟乞
並令臨安府同儀鸞司計會御史臺閣門太常寺釘
設排辦於行一告太廟日合差宮衛令六員依禮
例太常寺闕報入內內侍省差官施行一奉上懿
節皇后改謚冊寶前三日降出權于祥曦殿門上設
帷權行安奉俟太傅以下常服吉帶再拜訖步從至
宮門合上馬處上馬騎從至太廟櫺星門外下馬太
傅以下行禮至太廟南神門外幄次權行安奉訖太
傅以下行禮官並宿于太廟幕次其冊寶下職掌等
並宿于謚冊寶幄之側所有祥曦殿門上并太廟南

神門外各合用謚冊寶幄次并太傅以下應奉上謚冊寶官等並合用幕次乞用臨安府同儀鸞司計會禮部太常寺釘設排辦施行 一奉上改謚冊寶告太廟并奉上改謚冊寶日其太傅已下行禮官并陪位文武百僚入太廟並合服常服吉帶俟行禮畢出太廟極星門合換常服黑帶所有太廟極星門外合用幕次欲乞下臨安府同儀鸞司釘設排辦施行 一勘會將來奉改謚冊寶告於大行太上皇帝靈座合於行禮殿前設改謚冊寶權置位及往來行禮緣殿前地步隘窄今欲乞將陪位百僚依例隨宜於殿裡外立班所有合用拜席褥等乞令臨安府同儀鸞司計會排辦施行 一奉上改謚冊寶告太廟并別

廟殿上下各合設置冊寶席褥并合用百官幕次拜
席褥什物等乞下臨安府同儀鸞司排辦釘設施行
一勸會今來奉上懿節皇后改謚冊寶於本室行
禮合於別廟殿前設改謚冊寶權置位及往來行禮
緣別廟殿前地步隘窄今欲乞陪位百僚隨宜於殿
下并東廊裡外立班 一奉上改謚冊寶行禮畢其
冊寶并沿冊寶法物依禮例於太廟奉安所冊寶殿
安奉欲乞令本廟交割收掌詔依

十五年二月二十日禮部太常寺言勸會已降指揮
懿節皇后改謚內書謚冊文官差知樞密院事施師
點今來本官已降外任伏乞降勅別行差官 詔依
書謚冊文官改差叅知政事兼同知樞密院事雷正

書篆寶文官改差參知政蕭燧

二十七日禮部太常寺言勘會今來懿節皇后謚號已降勅下今參酌比附申請事件下項 一今來改謚號初下應官司行移等依例候奉上改謚號冊寶了日合稱憲節皇后一依已降指揮修製改謚號冊寶內寶文今欲依禮例以憲節皇后之寶六字為文詔依

三月四月禮部太常寺言勘會已降指揮奉懿節皇后改謚冊寶告於太廟及告於大行太上皇帝靈座并奉上於本室行禮今參酌國朝山園典禮并紹興二十九年奉上謚冊寶禮例具下項 一太傅率百僚奉改謚冊寶告於太廟并告於大行太上皇帝靈

座奉上於本室合差攝太傅一員乞差宰臣 一奉

謚冊寶官一員以謚冊寶授太^傅乞差宰臣 一讀謚

寶攝侍中一員乞差執政官一讀謚冊攝中書令一

員乞差執政官 一舉冊官二員舉寶官二員乞差

禮部太常寺官 一告太廟合差奉禮郎一員太祝

一員內太祝兼告于大行太太官令一員兼奉本

乞差禮部太常寺官如不足乞差六曹郎官 一勸

會將來奉上大行太上皇帝謚冊寶詣德壽殿行奉

上之禮合差都大主管官已申乞就差主管喪事官

充外所有懿節皇后改謚行奉上之禮亦乞就所差

官主管施行詔依

冊文

維淳熙十五年歲次戊申三月丁酉朔七日癸卯孝
子嗣皇帝臣謹再拜稽首言曰伏以天人同於生
育而地辟乎下以承天為順日月同於照臨而月生
於西以逝日為明載稽定位之初爰及垂象之大惟
后配帝猶陰儷陽以類相從厥則不遠肆諡者行之
跡而名者實之賓行著乎實者雖一定而莫增謚存
乎人者或因時而有改此禮經所謂稱也在前代莫
由不之共惟懿節皇后姜子挽芳蔣茅襲慶儉約處已
柔明宅心風述有齊夙和視事之奉雅歌思媚方觀
婦順之昭適世和平同國福祉顧思念憂勤之已至
諒消息盈虛之有時天實為之事其適爾屬重輝於
火德旋正位於長秋儀物一新霜露屢變何仙遊之

漢遼而駒陳之莫追雖美號嘗訂於紹興而時祀已
祔於別室是皆權製未正曩章比者嗣皇上賓禮官
哀議謂孝為德至自漢唐蓋以相沿而德乃世修在
典謨惟取其盛今則即南郊而祇請紹萬世以信傳
奕廟載成清祏斯設悼今追昔酌事從宜兼懿而言
乃不專壹意之義取憲而易抑以示正名之常設式
播徽音益形內治謹遣攝太傅特進_左丞相兼提舉
編修玉牒監修國史日_左歷提舉勅令所魯國公食邑
一萬五千戶食實封五千七百戶王淮奉冊寶改上
尊謚曰憲節皇后伏願英靈對越_左盼_來嬰思神寧而歡
心孚禮行而慈服見依歸有所保惠無彊謹言

奉上改謚冊寶前二日告太廟儀

告太廟前一日奉禮郎太祝太官令宮闈令並常服
吉帶先詣太廟幕次宿齋其奉上改謚冊寶太傅積
冊中書令讀實侍中奉謚冊官舉冊官舉寶官並常
服吉帶守和寧門入詣祥曦殿門外幕次太常寺贊
引祇應人禮部掌職及儀衛親從官等各服色服腰
帶並於殿門外隨地排立以俟進請改謚冊寶內侍
官請降懿節皇后改謚冊寶將出祥曦殿門次引奉
謚冊官奉寶冊官於內侍處受冊寶付禮部於殿門
上幄次權置定次禮直官引太傅已下詣殿門下隨
地立班再拜訖如值免兩拜或權退側身立俟有司奉迎
儀衛進行太傅已下步從至宮門合上馬處上馬騎
從至太廟楹星門外下馬步從至太廟南神門外幄

次權安奉訖太傅已下應行禮官並宿齋於太廟幕

次其冊寶下職掌並祇應人並於冊寶幄之側幕次

宿衛至告太廟日文武百官並常服吉帶詣太廟幕

次太傅設於寶官奉謚冊寶官奉冊寶官奉禮院太

祀太官令宮闈令各服祭服應陪位官並服常服帶俟有司排辦實設酒脯禮料等畢脩祠祭官引宮

闈令入詣殿下褥位北向再拜訖升殿就位立定次

御史臺閣門大常寺分引文武百僚入詣殿下北向

隨地之宜立班定次引奉禮郎太祝太官令於陪位

班之前席位北向立以西為上次引太傅讀冊寶官

奉謚冊寶官詣太廟南神門外冊寶幄次前隨地之

宜立定俟有司奉改謚寶入南神門太傅已下後從

至殿西階下東向權置位冊北寶南置定次引讀冊

中書令讀冊寶侍詣冊寶案之後東向立次引舉冊
舉寶官又於其後立次引舉謚冊寶官於冊寶位稍
南東向禱位立引太傅於殿東階下禱位西向立如
兩冊寶于東廊上隨宜設椅置位行禮官亦于東廊
立址升階東側階階位官于東西兩廊並隨地之宜
立祠祭官於殿上贊奉神主次宮闈令詣諸室奉神
主訖祀祠官贊奉神主訖禮直官揖太傅已下躬贊者
曰再拜在位官者再拜訖先引奉禮郎太祝太官令
升殿各就位立定次禮直官引太傅詣盥洗位北向
搯笏盥手悅手執笏詣辭洗位北向搯笏洗爵拭爵
以爵授執事者執笏升殿西階凡行事官視應詣僊
祖室酌尊所搯笏西向跪執爵太官令北向搯笏跪
酌酒訖執笏與先詣次室酌尊所北向立太傅以爵

酒受執事者執笏興詣僖宗室內香案前搢笏上香
再上香三上香跪奉禮郎西向搢笏跪奉幣太傅受
幣奠幣奉禮郎執笏興先詣次室西向立太傅執爵
三祭酒於茅苴奠爵執笏俛伏興出戶外少立次太
祝東向搢笏跪讀祝文讀訖執笏興先詣次室東向
立太傅再拜訖次詣宣祖室太祖室太宗室真宗室
仁宗室英宗室神宗室哲宗室徽宗室欽宗室行祖
並如上儀訖奉禮郎太祝太官各降階復立位次引
大傅降階復位立少頃禮直官引奉謚冊官詣冊案
前北向隨地立次引太傅詣冊匣之後東向立定次
舉冊官搢笏跪舉冊匣興凡舉冊實皆禮部職掌助舉職掌先捧
冊紫升詣殿上當中置於褥位次奉謚冊官西向搢

笏奉冊匣以授太傅太傅搢笏受訖奉謚冊官執笏
退復位立次舉冊官舉行太傅捧冊匣升殿至禱位
北向跪奠冊匣於案上舉冊官奠冊匣訖執笏與少
立次太傅執笏與少退於禱位西向立次引讀冊中
書令詣案後北向立舉冊官搢笏跪舉冊讀冊中書
令搢笏跪讀冊訖執笏與降階復位立舉冊官奠冊
舉冊匣興職掌先捧冊案降階置於禱舉冊官舉冊
匣降階太傅後從至殿下置於案上舉冊官執笏與
退復位俟階上讀冊將畢引奉謚寶官詣寶案前北
向隨地立定俟太傅詣寶盃之後東向立定次舉寶
官搢笏跪舉寶盃與執掌先捧寶案升詣殿上當中
置禱位次奉謚寶官西向搢笏奉寶篆以授太傅太

傅措笏授訖奉誼寶官執笏退復位立次舉寶官舉
 行太傅捧寶盃升殿至禱位北向跪奠寶盃於殿上
 舉寶官奠寶盃訖執笏與少立太傅執笏與少退於
 禱位西向立次引讀寶侍中詣寶案後北向立舉寶
 官措笏跪舉寶讀寶侍中措笏跪讀寶訖執笏與降
 階復位立舉寶官奠官舉寶盃奠職掌先捧寶案降
 階置於禱位舉寶官舉寶盃降階太傅後從至殿下
 置於案上舉寶官執笏與退復位太傅復位立禮直
 官揖太傅以下躬贊者曰再拜在位官皆再拜祠祭
 官於殿上贊奉神主入祔室官闈令奉神主入祔室
 訖祠祭官贊奉神主入祔室訖次引太傅奉禮郎太
 祝太官令俱詣望瘞位北向立俟有司瘞幣訖奉冊

寶出南神門太傅已下後從至冊寶幄權安文武百
僚以退內不作騎從冊寶字出太廟極呈門太傅已
下行禮官並權退歸幕次換常服吉帶以次步從冊
寶

中興禮書續編第五十三卷

凶禮十九

永思陵十九

憲節皇后改謚冊寶二

奉上改謚冊寶告於大行太上皇帝靈座

儀

其日俟告太廟行禮訖太傅已下常服吉帶俟有司奉改謚冊寶出幄儀衛進行太傅已下後從至太廟樞星門外騎從至德壽宮門外有司捧冊寶權退歸幄次太傅已下下馬歸幕次換常服黑帶儀衛換紫衫黃帶子以俟入幄奉改謚冊寶進行太傅已下後從入德壽宮門至大行太上皇帝靈座殿下東向權置

位冊北竇南置定太傅已下梳退歸幕次俟有司排
辦畢備御史臺閣門太常寺分引文武百僚入詣殿
裏外隨地之宜北向立班立次引讀冊中書令讀寶
侍中詣冊寶案之後東向立次引舉冊舉寶官於其
太祝又於其後立次引奉謚冊寶官於冊寶位稍東
向褥位立吹引太傅於殿下之東褥位西向立禮直
官揖太傅躬拜在位官再拜訖次引太祝升殿就位
立定次禮直官引太傅升殿詣大行太上皇帝香案
前播笏上香再上香三上香跪一酌茶三奠酒執笏
俛伏興少立次大祝東向播笏跪讀祝文讀訖執笏
興太祝降階歸本班太傅再拜訖降階復位立少頃
禮直官引奉謚冊官詣冊案前北向隨地立定次引

太傅詣冊匣之後東向立定次舉冊官搯笏跪舉冊

匣與

凡舉冊皆禮部職掌先捧冊案升詣殿上置於

禮

職掌先捧冊案升詣殿上置於

褥位次奉謚冊官西向搯笏奉冊匣以授太傅太傅

搯笏受訖奉謚冊官執笏退復位立次舉冊官舉行

太傅捧冊匣升殿至褥位北向跪奠冊匣於案上舉

冊官奠冊匣訖執笏與少立次太傅執笏與少退於

褥位西向立次引讀冊中書令詣冊案後北向立舉

冊官搯笏跪舉冊讀冊中書令搯笏跪讀冊訖執笏

與降階復位立舉冊官奠冊舉冊匣與職掌先捧冊

案降階置於褥位舉冊官舉冊匣降階太傅後從至

殿下置於案上舉冊官執笏與退復位俟殿上讀冊

將畢引奉謚寶官詣寶案前北向隨地立定俟太傅

詣寶盃之後東向立定次舉寶官搢笏跪舉寶盃與
職掌先捧寶案升詣殿上置於褥位次奉謚寶官西
向搢笏奉寶盃以授太傅太傅搢笏受訖奉寶謚官
執笏退復位立次舉寶官舉行太傅捧寶盃升殿至
褥北北向跪奠寶盃於案上舉寶官奠寶盃訖執笏與
少立太傅執笏與少退復位西向立次引讀寶侍中
詣寶案後北向立舉寶官搢笏跪舉寶讀寶侍中搢
笏跪讀寶訖執笏與降階復位立舉寶官奠寶舉寶
盃與執掌先捧寶案降階置於褥位舉寶官舉寶盃
降階太傅後從至殿下置於案上舉官執笏與退復
位太傅復位立禮直官揖太傅躬拜在位官皆再拜
拜訖俟奉改謚冊寶進行太傅已下行禮官從後出

殿門文武百僚以次退太傅以下從至德壽宮門外
有司捧冊寶權歸幄次太傅已下歸幕次換常服吉
帶儀衛換色服腰帶以俟入幄奉改謚冊寶進行太
傅已下騎從至樞星門下馬後從冊寶至南神門外
幄次權奉安訖太傅已下並退

奉上改謚冊寶於本室儀

奉上改謚冊寶前一日太傅已下應行禮官並宿於
本司至奉上行禮日文武百僚先赴德壽宮奉大行
太上皇帝冊寶告於靈座如儀畢次赴太廟樞星門
外幕次並常服吉帶入赴太廟幕次
太傅已下
官並奉祭服
俟有司排辦畢備祠祭官引宮闈令入詣別廟殿下
北向再拜訖升殿就位立定次御史臺閣門太常寺

分引太傅已下并文武百僚入詣太廟殿下北向立
班定禮執官擗躬贊者曰再拜在位者皆再拜訖次
引太傅讀冊寶官奉謚冊官舉冊寶官詣太廟南神
門外冊寶幄次前少立御史臺閣門太常寺分引文
武百僚入詣別廟殿下并東廊裏外北向隨地之宜
立班定次引太官令詣殿西階下東向於舉冊舉官
之後立俟有司奉改謚冊寶進行太傅已下後從至
別廟殿西階下東向權置位冊北寶南置次引讀冊
中書令讀寶侍中詣寶案之後禱位東向立次引舉
冊舉寶官又於其後立次引奉謚冊寶官於冊寶位
稍南東向禱位立次引太傅於殿東階下禱位西向
立和值兩并於別廟東祠祭官於殿上輦奉神主次

立和值兩并於別廟東

外隨宜立班

祠祭官於殿上輦奉神主次

宮闈令奉懿節皇后神主訖祠祭官贊奉神主訖禮
直官躬揖犖者曰再拜在位官皆再拜訖先引太官
令升殿就位立定次禮直官引太傅詣盥洗位北向
搯笏盥手幌中執笏詣爵洗位北向搯笏洗爵拭爵
授執事者執笏升殿西階凡事祇應人升階詣酌尊所降自皆日西階詣酌尊所
搯笏西向跪執爵太官令北向搯笏跪酌酒訖執笏
與降階復位立太傅以爵酒授執事者執笏與詣懿
節皇后室內香案前搯笏上香再上香三上香跪執
爵三祭酒于茅苴奠爵執笏俛伏與出戶外再拜訖
降階復位少立次再引太傅詣殿上懿節皇后室前
北向褥位俛伏跪奏稱太傅臣某言奉詔謹奉上懿
節皇后改懿憲節皇后謚寶奏訖伏與降階詣冊寶

之後東向立定次引奉謚冊官詣冊案前北向立次

舉冊官揖舉跪舉冊匣與

凡舉冊實禮部職掌

執掌先捧冊

案升殿詣銜節皇后室前置於褥位次引奉謚冊官

西向揖笏奉冊匣以授太傅揖笏受訖奉謚冊官執

笏退復位立次舉冊官舉行太傅捧冊匣升殿至褥

位北向跪奠冊匣於案上太傅執笏與少退於褥位

西向立次舉冊官執笏與少立次引讀冊中書令詣

冊案之後北向立舉冊官揖笏跪舉冊次讀冊中書

令揖笏跪讀冊訖執笏與降復位立舉冊官奠冊舉

冊匣與職掌先捧冊案於殿上稍東褥位置定舉冊

官舉冊匣詣褥位跪置於案上舉冊官執冊與降復

位俟讀冊將畢冊將畢引奉謚寶官詣寶案前北向

立次引太傅降階於寶盃之後東向立次舉寶官搢
笏跪舉寶盃與職掌先捧寶案升殿詣懿節皇后室
前置於褥位次奉謚寶官西向搢笏奉寶盃以授太
傅太傅搢笏受訖奉謚寶官執笏退復位立次舉寶
官舉行太傅捧寶盃升殿至褥位北向跪奠寶盃于
案上太傅執笏與少退于褥位西向立次舉寶官執
笏與少立次引讀寶侍中升殿詣寶案之後北向立
舉寶官搢笏跪舉寶次讀寶侍中搢笏跪讀寶訖執
笏與降復位立奠寶官奠寶舉寶盃與職掌先捧寶
案于殿上稍東褥位置定舉寶官舉寶盃于褥位跪
置于案上舉寶官執笏與降復位立次引太傅降復位
西向立定禮執官揖躬贊者再拜在位官皆再拜訖

祠祭官于殿上贊奉神主入祫室官闈令奉神主入
祫室訖祠祭官贊奉神主入祫室訖文武百僚以次
退有司以改謚冊寶并沿冊寶法物交割付太廟奉
安所于冊寶殿安奉宰執文武百僚常服吉帶出太
廟櫺星門外幕次常服黑帶詣文德殿門外為奉上
大行太上皇帝謚冊寶畢進名再拜奉慰皇帝皇后
訖退

中興禮書續編第五十四卷

凶禮二十

永思降二十

啟攢

淳熙十四年十一月十一日禮部太常寺言檢點紹興七年二月七日太常寺申檢會祖宗故事啟攢宮并梓宮發引日百僚并服初喪服乞創下所屬施行後此依所申所有將來大行太上皇帝啟攢宮及發引日百僚所服欲乞依上件典故施行詔依

十一月三日儀鸞司言據本司人言趙顯等申契勘昨排辯顯仁皇后上仙承指揮於慈寧殿東廊設素帷一所至禋除畢申會太常寺令本司去拆了當部

於發引之前續准本寺閤令本司依舊於慈寧殿東廊排辦素幄充發引日使用所有今來大行太上皇帝升遐承指揮令本司於凡筵之東設素幄一所依前例至禫除畢合行去拆本司今欲乞將前項素幄存留權用上用青紫盒蓋充祇應車駕詣宮燒香并啟攢發引日應奉使用庶幾預期辦集不致悞事詔依例去拆候啟攢發引日依舊排辦

十五年二月十八日禮部太常寺言勘會今來攢宮覆按使副已回修奉宮已行起發所有將來大行太上皇帝梓宮啟發引掩攢宮各合用日辰時刻欲乞下太史局預期開排選定施行詔依

十九日禮部太常寺言今來啟攢發引檢照國朝祖

宗山降禮典禮參酌條具下項

一永昌永厚永裕陵典禮以啟撥前三日至彜引日
皇堂并不視事并彜引日百官作休務假今啟乞依
上件典禮施行 一永昌永定永裕陵典禮啟撥日
羣臣具袞服序班帝服初喪之服行祭奠之禮自是
羣臣日一臨七已易常服出至彜引而止所有今來
梓宮啟祭奠之禮文武百僚并服袞服陪位立班自
是百僚每日朝一臨至彜引皆如之臨退乞不易服
至發引奉辭靈駕畢易常服黑帶 一永熙陵典禮
靈駕彜引前一日之夕晝漏未盡三刻羣臣詣萬歲
殿哭臨次挽歌作及紹興二十九年禮例彜引前一
日總護使行夜祭之禮俟祭畢初更挽歌入殿祇應

其挽歌及祇應人如殿內別無祇應初更後並令出
殿宮禁遇夜不致喧雜所有將來靈駕發引前一日
晝漏未盡三刻欲乞依上件典禮文武百僚詣德壽
殿入臨退總護使行夜祭之禮畢初更挽歌入殿祇
應訖並令出殿所有經由門戶候祇應人等出盡閉
門其合用燈燭并供養茶食酒果香爐匙合器皿等
乞下都下主管所行下主管諸司排辦其總護使行
禮係尅擇官讀祝文并合用定時尅擇官並乞就令
都大主管所尅擇官祇應一依典禮啟橫畢合進
名奉慰今欲乞依禮例施行仍乞是日百司作休務
假一永定陵典禮啟橫後不進刑罰文書今欲乞
依上件典禮自啟橫日至發引日不進刑罰文書

一參酌山陵禮制啟櫬日羣臣並服初喪服入臨奉
慰照得永定陵乾興元年九月十三日禮儀院言啟
櫬宮後百僚並服初喪服其間軍員有近經轉補或
自外代歸未曾給孝服者正以公服陪位又紹興二
十九年十一月三日禮部太常寺言啟櫬百僚皇親
各服初喪之服契勘到部待闋文臣通直郎武臣保
義郎以上合服初喪之服立班緣成服之後有不曾
製孝服者止常服黑帶立班勘會淳熙十四年十月
八日大行太上皇帝升遐文武百官等合服孝臨安
府依已降指揮製造給散成服了當續準指揮依故
事啟櫬宮并梓宮發引日百僚並服初喪服竊慮百
僚不知前項故事乞劄下所屬施行所有將來啟櫬

并發引日文武百僚合服孝服及自外代歸并成服

後不曾制孝服孝服常服黑帶欲乞並依前項典禮

及已降指揮施行一永熙陵典故禮儀使言靈駕

發引五使下從人惟紫衫帽子諸司職掌元無喪服

制度今請應職掌引從贊謁之人止令服本色公服

免有紊亂所有將來大行太上皇帝靈駕發引日隨

從靈駕諸司職掌及諸色人內元不該孝服服人欲

乞依上件典故令服本色公裳并皂衫帽子一今

未合於靈座殿之東設素幄并合用拜褥乞下儀鸞

司預先釘設排辦施行一合用祝文二首一首述

行太上皇帝欽權畢梓堂還殿皇帝行祭奠燒香禮

之意一首述以為大行太上皇帝發行前一日初更

祭禮之意行衣一合用御封降真香二合一合用

供養牙盤食并茶酒果上香炭火香爐匙合燭燭等
乞令都大主管所行下主管諸司排辦施行 一合
差讀祝文官乞差史官充一行祭奠禮合差前導太
常卿一員贊引太^常卿太常博士一員乞依例差太常
寺官充 一行祭奠禮合差掩簾侍者并進茶酒捧
祝版執燭內侍乞下入內內侍省差官施行詔依
二十四日太史局言將來大行太上皇帝梓官啟梓
發引掩攢官吉日時刻即與國音別無妨礙啟攢宜
用三月十六日壬子辰時八刻後巽時發引宜用三
月十八日甲寅丑時八刻後艮時掩攢官宜用三月
三十日丙寅卯時八刻後乙時並吉詔依 二十五
日禮部太常寺言將來大行太上皇帝啟攢依典故

時前合行奏前之禮今參酌下項 一合用御封降

真香一合 一合用祝文一首 述以大行太上皇帝

告之 一時前奏告行禮官依體例係朝廷降勅就

差橫宮總發使行禮 一合差讀祝文官一員欲乞

輪差太常寺官充 一奏告行禮官並讀祝文官並

前一日致齋於本司 一合用上香炭火香燭匙合

等乞用就本殿物件使用其合排辦供養食茶酒果

等乞令都大主管所行下主管諸司排辦施行詔依

二十七日禮部太常寺言檢照國朝祖宗山園陵

典故元符三年及建中靖國元年以啟橫前三日遣

官奏告天地宗廟社稷宮觀紹興十九年二十九年

以發引前一日奏告行在宮觀所有廟宇及經過橋

道并十里內神祠令臨安府紹興府排辦差官祭告
所有今來大行太上皇帝梓宮將來啟櫨發引欲乞
依上件典故於啟櫨前三日奏告天地宗廟社稷官
觀令太常寺申請差官排辦於發引前一日令臨安
府紹興府一面排辦香酒祝文等差官祭告逐處廟
宇及經過橋道并十里內神祠詔依 三月九日禮
部太常寺言勘會三月十六日啟櫨依典故啟櫨前
三日奏告昊天上帝皇地祇宗廟太社太稷天慶觀
報恩光孝觀太一宮各合差奏告官一一員並乞於
侍從官內差內宗廟乞差南班宗室正任以上充並
前一日赴逐處致齋至日行事詔依 同日又言勘
會三月十三日為啟櫨前三日奏告天地等處其奏

告日依禮例皇帝不視事詔依 十一日內侍任嘉
謀傳宣閣門今月十日^六日車駕詣德壽宮聖神文憲孝
皇帝梓宮前行啟攢禮宿於本宮候十八日發引畢
還內臣僚並赴內殿起居畢車駕自祥曦殿乘輦禁
衛等迎駕起居應從駕臣僚免從駕還內應沿路起
居官屬等並免起居亦免奏萬福應有合行排辦事
件疾速施行如值雨應從駕臣僚并儀衛等並許張
雨具

啟攢儀

其日皇帝自內乘輦詣德壽宮降輦入宮^{應從駕臣}
^{帝從駕之至德壽宮}啟攢時前總護使啟攢禮畢捧
^{扶初喪服以俟立殿}遷梓宮還殿安奉訖禮直官引讀祝文官詣殿上香

案之西東向立次禮執官太常博士引太常卿詣幄

前立定次御史臺閣門太常寺分引部位皇太子宰

執文武百僚並服初服內不帶製序從詣德壽宮殿

裏外隨地之之立班定皇帝服初服之服詣幄即御

座簾禮直官太常博士引太常卿當幄前俛伏跪奏

稱太常卿某言請皇帝詣大行太上皇帝梓宮前行

啟櫬祭奠之禮奏訖伏興退復位簾捲官導官前導

皇帝出幄詣殿上褥位西向立奏請拜皇帝再拜舉

哭在位官皆再拜俱舉哭前導官前導皇帝皇帝詣

香案前北向立奏請皇帝上香再上香三上香跪內

侍進茶酒奏請皇帝酌茶三奠酒俛伏興又奏請皇

帝少立俟讀祝文官讀祝文訖皇帝哭在位官皆哭

奏請拜皇帝拜在官官皆再拜訖前導官前導皇帝
還褥位西向立奏請拜皇帝再拜在位官皆再拜訖
前導官前導皇帝歸御幄簾降禮直官太常博士引
太常卿當幄前伏跪奏稱太常卿臣某言禮畢奏
訖伏興退百官移班稍東進名班首致詞復位再拜
奉慰皇太常次進名再拜奉慰皇帝皇后訖班退